

به نسخه ۱۰ غروشد

اداره خانه سی : آفسرایده
ملا کورانی محله سنده مهتر
سوقاغنده ۳ نومرولوخانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غروش
آلتی آلتی ۳۰

محفصل

۱۳۳۸

دینی ، علمی ، ادبی ، اجتماعی و شمیمی
شهری مجموعه ده

صاحبی ، مدیری ، محرری



اسلامك نفعنه خادام مقالات
مع الت شكر قبول ونشراولونور

يازانك شخصيتي دكل، يازينك اهميتي
نظردفته آلتير .

كلن يازيلردن شايان قبول كوردولنار
تاريخ ميراسيله درج ايديلير .

عدد : ۳۳ و ۳۴ ۱۳۴۱ جمادی الاخره و رجب آیلرینه مخصوص نسخه جلد : ۳

مذمومات :

محفصل دینی و علمی : تستر شرعینك فوائدی - اسكایی عاطف . بش وقت نماز - طاهر المولوی . ایلک
مسلمان واک محترم قادی - فخر النساء کمال . معلومات جاهلیه حقنده بر قونقه رانس - طاهر المولوی . احمدیه
حرکاتی حقنده بعض نوطار - مسعود . اسلامیاته غائد نشریات - سعدی .

محفصل ادبی : یکی شهرلی عونی بکک آثارندن منتخبات - بسیم . نیاز - محمد صادق . نعت شریف - طاهر المولوی .

محفصل تاریخی : بو بوکلر مژدن : سعید بن زید . عثمان شمس و شیخ عزری افندیلر - حسین و صاف

مستجابی زاده عصمت بک - سعود المولوی .

تصدیق ایله برابر ذات اقدس رسالتك جاتم الانبیا بولونديغه قناعت ایتهدکلرینی ، مذهبیرینك مؤسسی (میرزا غلام احمد) كده پیغمبر لکنه قائل اولدولرینی خبر ویردی . بوجهت ، مسعود بلك مقاله سنده ده ذکر ایدیلیور ، غلام احمدك نبوت ! هذیانك اوغلی (میای محمود) طرفدن چقاریلش و طرفدار بولماسی اوزهرینه ده احمد بلك ایکی به آیریلش اولدینی صویله نیوردی که بزده حاشیه اوله رق « شو حالد میای محمودك هذیاننی تصدیق ایتش اولانلرك مسلمانقلله علاقه سی قالماش دیمكدر ، دیمش و میای محمودك دوستی (مفتی محمد صادق) ایچین ده « مفتی صادق ، میای محمودك دوستی اولقله برابر فکرینك ده صروجی ایسه نشر ایتدیکی مذهبه طبیعی مسلمانلق دینیه منزه ، مطالعه سنده بولونمشدق . كرك او ذات فاضلك اخباری ، كرك مسعود بلك مقاله سی صدو كنده بیان ایدیلدیکی وجهله احمد بلك بایلرله تشریک مساعی ایتش اولالری ، بومذهب اربابی حقنده انسانه بكده حسن ظن پیدا ایتدیره میور . مع مافیه حکم قطعی ویره بيلمك ایچین مؤلفات مذهبه لرینی کورمك و تدقیق ایتك لازمدر .

اسلامیاته عائد نشریات

فرانسزجه عالم اسلام Revue du Monde Musulman مجموعه سنده او قودیفمزه کوره ، متار که دن صکره طور غون بر حالده قالان ، اسلامیات تبعاتی ، خصوصی مجموعه لرله دیگر بر چوق نشریات سایه سنده تکرار انتظامی الده ایتشددر . آشاغیده بحث ایده جکمز متعدد رسائل موقوته و آثار ، بو خصوصده ای برأماره تلقی اولنه بیلیر . آوروپاده اسلامیات حقنده کی نشریات کوندن کونه مثبت و نائق شکلنی آلیور . انکاترده ؛ مشهور عالم (نیقولسون) ك درین تبعاتی و حکومتك خصوصی استخباراتی (Handbooks) قوللکسیونتی میدانه کتیر مک یاردیم ایتشددر . عینی حال (فلمنك) ده ده جاریدر . مستشرقلردن (سنوک هورغرونز) (Snouk Hurgronje) ك ریاستی آلتنده بولنان بر هیئت سوماترا و جاوا آطه لرنده تدقیقاتنه دوام

ایدیور . فقط اسقاندینا و مملکتلرنده و آلمانیا ده - حرب عمومیدن اول اولدینی کی - تبعات نظریاته منحصر در . بالعکس لاتین واسلاو ممالک کنده تدقیقات مشاهداته استناد ایدیور . مثلاً پورتکیزده (لوبه سی) ، اسپانیاده (آسین بالاسیوس) ك طلبه لری حال حاضرده کی اسلام مسائلنه و طنش لرینی علاقه دار ایتدیر مکه چالشیور . ایتالیا ده Oriente moderno مجموعه سی مستشرق (Nallio) نالیونك اداره سنده در . دیگر طرفدن ایکی ایتالیان Santillna و gri'ffini تاریخی و حقوقی تبعات ایله مشغولدر . فرانسه ده ؛ پول مارتی ، لویی ماسینیون ، لوسین بووالرک شرقه عائد قیمتی آثار یله برابر ، برونو ، قولن ، لهوی پروو و نسال کی ذواتك عرب لهجه سنه ، و (رونه باسه) و رفقا سنك (بربر) لره عائد تدقیقاتی در خاطر ایتدیر مک لازمدر .

۱ - اسلامیات مجموعه لری . (۱۹۲۱ - ۱۹۲۲) (Der Islam) برلین و هامبورغده نشر ایدیلن آلمانجه مجموعه : ۱۱ نجی جلدنده : بدرالدین سیماوی حقنده باینغورک بر مونوغرافیمی ، هر جلفلد نامنده کی آلمان مستشرقنك خوراسانده مسلمان صنعتنه دائر بر مقاله سی - جلد ۱۲ ده شام قلعه سنده کی عرب کتابه لری .

(Moslem World) (عالم اسلام) انکلیزجه (لوندرو و نیورق) ۱۹۲۱ - ۲۲ سنه لرینه عائد نسخه لرنده شایان دقت بر مقاله اوله رق : حضرت پیغمبرك حیاتی (چینجه) - بهائیلک انتقادی - اسلامیاتك ، آفریقاده کی قوانین محلیه به تأثیراتی

Bulletin of the
School of oriental
Studies
شرقه عائد تبعات مکتبناک
مجموعه سی (انکلیزجه)

شاعر عالی موهبه عونی بك مرحومك مطبوع
وغير مطبوع تركی و فارسی اشعار عارفانه سندن
عاجزانه و مستمندانه انتخاب ایتحق اولدیقم نمونه لری
اهدا ایله انجاز و عد ایدیورم اعز الاخوان اقندم .
بسم

(قسم تركی)

غزلیانندن مفرز پارچه لر
نور و دوسراسك كه مظاهرده نهانك
باطنه خفی ، صورت ظاهرده عیانك
اعراض مكان جوهر ذاتكه معین
اماینه مستغنی امكان و مكانك
زهاده تسلی ویرن اسرار جهانك
عشاقه تجلی ایدن انوار جهانك
نوركه كورور ایکی كوزی جان و جهانك
یا جان جهانك ، یا جهان دل و جانك
منظوره نگاه افكن و ناظر لره منظور
هم آینه ، هم مصقله ، هم آینه دانك
اعداد كثیر كثرات ایچره دمام
مانند احد ناشر سر صریانك
بوجاذبه عشق ایله ای قلمز وحدت
انهار شئوناته مدار جریانك

عونی

مابعدی وار

نیز :

حال تباهی كدم اظهاره یا محمد ؛
بابكده بكه یور بریچاره ، یا محمد !
بر نظره شفا كه البت لیاقم وار ،
قلبده بلكه واردر بیک یاره ، یا محمد !
بن اولق ایسته دكجه مستقبل هلاك
بند ایتك ایسته یورلر زناره ، یا محمد !
هر سودیکم كوكلدن وعد حمایت آلم ،
حایلرم كسیلدی خونخواره ، یا محمد !

Journal of the
Royal asiatic So-
ciety
(لوندرد) آسیا جمعیت
قرالینك غزته سی

نیسان ۱۹۲۲ تاریخی نسخه سنده راهب احمد شاه
طرفدن قرآنك اردو و هند لسانه ترجمه سی
حقنده بر مقاله .

Revista degli
Studiv orientali
(ایثالیانجه) شرقه عاڈ
(تبصات مجموعه می) .

۲ - آوروپا لسانلرنده نشر اولنان اسلام
مجموعه لری Islamic Review (انکلیزجه) - (محفل) ك
نشر ایتدیکی (احمدیه حرکاتی حقنده بعض نوطلر)
سرلوحه لی مقاله ده بوجمعه دن بحث اولمشدی -
پنجابده کی احمدیلر ك مروج افكار ی بولنان مذکور
غزته خواجه كمال الدینك اداره سنده در . هر
لسخه سنده احمدی مذهبی قبول ایدنلر ك رسمی
درج اولقمده در . یوقاروده بحث ایتدیكمز - Moslem
World رساله سیله شدتلی مناقشه قلمیه ده بولنیور .
مندرجاتی شایان استفاده اولقله برابر بر طاقم
خطالردن ده عاری دكلدر .

Echos de l'Islam [صدای اسلام] متشبت
بعض كنجلر من طرفدن تأسیس اولنان بورساله
مهم مقاله لر نشر ایتكده و مسلمان نقطه نظری
جهانه طائمه جالیشقمده در .

كانون ثانی ۹۲۲ تاریخندن بری - Orient et
occident نامیه عینی غایه ی تعقیب ایدن شهری بر
مجموعه انتشار ایتكده در . (مابعدی وار)

مهدی

مجله ادبی :

یکی شهرلی عونی بك مرحومك آثار منتخبه سنده :
محفل مبعلاک ربیع الاول ۳۴۱ نسخه سنده
اوصاف صافیه سنی درج صحیفه تکریم ایلدیكم